

irregularitate proveniente ex homicidio voluntario, sed quod possumus in foro conscientie, vti hoc modo, cum in foro conscientie sint nostra priuilegia contraria Concilio Tridentino iam à Pio Quinto reualidata. Sed noster Fr̄ Emanuel [vbi supra] putat hoc priuilegium non derogari per Concilium: cum tantum loquatur de Episcopis, quibus non committit dispensationem irregularitatis homicidij voluntarij. Nos autem hic loquimur de Prælatis regularibus, qui erga suos subditos maiorem habent auctoritatem, quam Episcopi.

¶ Deinde nota, quod in Compendio Societatis ver. Dispensatio. §. 1. & in Compendio Claudij Præpositi Generalis, ver. Prælatus. §. 3. dicitur. Præpositum Generalem per se vel per alios confessores Societatis [quibus præpositi Generales duxerint committendum] posse cum sibi subditis dispensare super irregularitate, si quando incurterint eo quod ex communicati, aut suspensi, aut interdicti, aut in loco interdicto diuina officia celebrauerint: aut Ordines susceperint, nisi excessus dispensandorum sit adeo grauis, vt ad Sedem Apostolicam remittendus. Circa quã